

VII. KAFLI  
**Ýmis ákvæði.**

25. gr.

*Sérstök þjónusta.*

Unglingar, fatlaðir og aldraðir geta leitað til svæðisvinnumiðlunar og óskað aðstoðar hennar við leit að vinnu við þeirra hæfi. Skal svæðisvinnumiðlun hafa samvinnu við samtök og stofnanir, sem einkum fjalla um málefni hlutaðeigandi hópa, sérstaklega í sambandi við mat á starfsgetu og þörf á endurhæfingu eða starfsþjálfun.

Svæðisvinnumiðlun skal eftir föngum leiðbeina unglíngum varðandi starfsval, m.a. með því að afla og dreifa upplýsingum um helstu atvinnutækifæri og þær kröfur sem atvinnulífið gerir um menntun og starfsreynslu.

26. gr.

*Vinnumiðlun einkaaðila.*

Vinnumálastofnun hefur eftirlit með þeim aðilum sem annast milligöngu um ráðningu eða vinnumiðlun skv. 21. gr. laga um vinnumarksaðgerðir. Að beiðni Vinnumálamála- stofnunar er slíkum aðilum skylt að veita upplýsingar um starfsemi sína, þ. á m. um fjölda atvinnuleitenda, lausra starfa og atvinnuráðningar hjá hlutaðeigandi aðila.

27. gr.

*Trúnaðarskylda.*

Allar upplýsingar sem svæðisvinnumiðlun/skráningaraðili fær í starfi í sínu, hvort sem þær snerta einkamál eða viðskiptahagsmuni, skulu vera trúnaðarmál svæðisvinnumiðlunar og þess er upplýsingarnar veitir að öðru leyti en því sem snertir bein tengsl við miðlun vinnu og starfsráðningar.

28. gr.

*Gildistaka.*

Reglugerð þessi, sem sett er með stöð í lögum nr. 13/1997 um vinnumarksaðgerðir og lögum nr. 12/1997 um atvinnuleysistryggingar með síðari breytingum, öðlast þegar gildi.

Um leið fellur úr gildi reglugerð nr. 129/1986 um vinnumiðlun ásamt síðari breytingum og reglugerð nr. 9/1980 um Vinnumálaskrifstofu félagsmálaráðuneytis.

*Félagsmálaráðuneytinu, 16. nóvember 1998.*

**Páll Pétursson.**

*Elin Blöndal.*

## AUGLÝSING

### um breytingu á deiliskipulagi íbúðarbyggðar í Hvaleyrarhrauni, Hafnarfirði.

Samkvæmt skipulags- og byggingarlögum nr. 73/1997 samþykkti bæjarstjórn Hafnar- fjarðar þann 7. júlí 1998 breytingu á deiliskipulagi íbúðarbyggðar í Hvaleyrarhrauni.

Breytingin felst í að í stað 20 tveggja hæða einbýlishúsa á suðurhlíð Hamrabyggðar er nú gert ráð fyrir 17 einnar hæðar einbýlishúsum. Tveggja hæða par- og raðhúsum við Klettabyggð er breytt í einnar hæðar og lóðarmörkum breytt lítilliga. Einnig er þremur einbýlishúsum norðan Hamrabyggðar breytt í tvö parhús.

Tillagan var auglýst, samkvæmt 25. gr. skipulags- og byggingarlaga nr. 73/1997, frá 5. ágúst til 2. september 1998 og yfirfarin af Skipulagsstofnun.

Deiliskipulagið öðlast þegar gildi.

*Hafnarfirði, 20. nóvember 1998.*

**Magnús Gunnarsson** bæjarstjóri.

## AUGLÝSING

### um nýjan viðauka með reglum um bindiskyldu við Seðlabanka Íslands nr. 190/1998.

Bankastjórn Seðlabanka Íslands hefur ákveðið með tilvísan til 1.-3. mgr. 8. gr. laga nr. 36/1986 og 3. mgr. 10. gr. laga nr. 123/1993 um aðrar lánastofnanir með áorðnum breytingum að eftirtöldum lánastofnunum beri að uppfylla ákvæði reglna Seðlabankans um bindiskyldu, nú frá 30. mars 1998.

#### Bindiskyldar stofnanir

Landsbanki Íslands hf.	Sparisjóður Ólafsvíkur
Búnaðarbanki Íslands hf.	Sparisjóður Hornafjarðar og nágrennis
Íslandsbanki hf.	Sparisjóður Reykjavíkur og nágrennis
Sparisjóðabanki Íslands hf.	Sparisjóður Strandamanna
Sparisjóður Hafnarfjarðar	Sparisjóður Vestmannaeyja
Sparisjóður Siglufjarðar	Sparisjóður Norðlendinga
Sparisjóður Mýrasýslu	Sparisjóður vélstjóra
Sparisjóður Húnaþings og Stranda	Sparisjóður Bolungarvíkur
Sparisjóður Norðfjarðar	Sparisjóður Svarfdæla
Sparisjóðurinn í Keflavík	Sparisjóður Önundarfjarðar
Sparisjóður S-Þingeyinga	Sparisjóður Höfðhverfinga
Sparisjóður Súðavíkur	Póstgíró, Íslandspóstur hf.
Eyrasparisjóður	Fjárfestingarbanki atvinnulífsins hf.
Sparisjóður Árneshrepps	Kaupþing hf.
Sparisjóður Hólahrepps	Samvinnusjóður Íslands hf.
Sparisjóður Ólafsfjarðar	Glitnir hf.
Sparisjóður Þingeyrarhrepps	Lýsing hf.
Sparisjóður Þórshafnar og nágrennis	SP-fjármögnun hf.
Sparisjóður Kópavogs	

Jafnframt falla úr gildi fyrri viðaukar nr. 190 frá 30. mars 1998 og nr. 235 frá 15. apríl 1998.

Reykjavík, 18. nóvember 1998.

*Seðlabanki Íslands,*

**Birgir Ísl. Gunnarsson.**

**Eiríkur Guðnason.**